



Շուշանիկ Կուրդիեյան

Մենակ կինը

Ա . ԱՐԱՐ

Ա . ՏԵՍԱՐԱՆ

ՆԱՎԱՐԱՐ . — (Մի պահ լռությունից հետո):

Խաղաղ է ծովը, գուր է ահ, երկյուղ:

Ուզո՞ւմ ես, ափով կթիավարեմ,

Լողանք մինչև գյուղ:

ՀԵՂԻՆԵ . —

Իսկ եթե հանկարծ . . . երկչում եմ, պապի՛կ:

Մի գուցե մրրիկ, հողմ կամ հորդ անձրև Երկինքը թափի: Արևն էլ ծածկե
թուխպերը տձև, Մոայլից շշմած չհասնենք ափի . . . Ես ծով եմ մտնում առաջին
անգամ

Ու սարսափ կզգամ:

ՆԱՎԱՐԱՐ . — (Մոտենալով):

Դեհ, թող, անհոգ կաց . հեշտ բան է ասել

Անհեթեթ խոսքեր արևի մասին: Երկնային փառքով ծովին է հասել Ու կմտնի
մայր Եվ կառնն դադար կյանքն հարախոով, Կյանքը նենգ, պատիր, Կյանքը
անգորով,

Դու լսիր ծերիս ու վախն ատիր:

ՀԵՂԻՆԵ . —

Ատո՛ւմ եմ, ատո՛ւմ . . . ու թեև կյանքում

Ապրում եմ անհայտ միջատի նման,
Սակայն հոգուս մեջ խորան կա կանգուն,
Կերոնները վառ սրբատաշ սեղան
Ու զանգակները արծաթահնչյուն . . . (Տրտում)
Ինչո՞ւ չեմ թռչուն,
Ագա՛տ, թևավո՛ր . . .

ՆԱՎԱՐԱՐ . — (Քնծիծաղ)

Մարդը թևավո՞ր, կատակ է անմեղ,
Մի աննյութ բաղձանք ժամանցի համար:
Ուժեղն ո՞ր խլե պատառը համեղ,
Ո՞ւմ մեջքին դարսե վայելքն իր հարմար,
Ո՞ւմ ճնշե անսիրտ, ո՞ւմ ուսին բառնա
Իր բեռը—բաժին, արարքները՝ ցած
Որ կյանքն անգորի մի դժոխք դառնա,
Ապրի գետնաքարշ քենով բթացած,
Ագահ ու անմիտ, գազաններից վատ՝
Միմիայն երկու ոտքերի աթոիվ
Անվանվելով մարդ . . . (Դառնացած):
Չե՞ս տեսել, ինչպես կերել եմ մարդուն
Բռնության նյութած հոգսերը ճնշող,
Աշխարհն էլ կասես մի մութ հավաքուն՝
Ո՛չ ջերմ, ո՛չ ջինջ շող . . .

Իսկ ով ապրում է աչքերը միշտ գոց,
Խիղճն անտաղանդ՝ ուզում է թևեր
Թռչելու դեպի վեր . . .

ՀԵՂԻՆԵ . — (Ծիծաղում է)

Ի՞նձ ես ակնարկում, թե՞ այն մարդկության
Անբախտ սերնդին,
Որ ամառները դեպ հարավ կգան,
Ու չի չորանա քո նավակն ու թին:

ՆԱՎԱՐԱՐ . —

Ե՛վ քեզ, և՛ ինձ, և՛ նմանների անկանոն շարքին,
Որ մինչև օրս կատարյալ մի կյանք
Կերտելու փոխան
Դեպի վեր փախան . . . (Սրտնեղ):
Գնո՞ւմ ենք, թե՞ չէ . . .

ՀԵՂԻՆԵ . — (Տատանվում է)

Ե՛վ վախենում եմ, և՛ հույժ փափագում
Ջրերի վրա լողալ ու լողալ:
Ինչ-որ անհաղթ ուժ,
Ինչ-որ խենթ հակում

Գերել է հոգիս . . . Պապ, էլ չեմ դողալ: (Ոտքը դնում է նավակի մեջ):
Դեհ սիրով ու ժիր
Թիերդ շարժիր . . .

Ծերուկը գոհ և հապճեպ պատրաստվում է: Ժայռերի հետևից առաջ է գալիս
Չավենը՝ հիացմունքով ծովը դիտելով: Հանկարծ նկատելով Հեղինեին հանում է
գլխարկը և շտապ մոտենում:

Բ . ՏԵՍԱՐԱՆ

ՋԱՎԵՆ . Ներեցեք, խնդրեմ, ուզում ե՞ք գնալ:

ՀԵՂԻՆԵ . Ուզում եմ գնալ:

ՋԱՎԵՆ . (Ոգևորված հորիզոնն է ցույց տալիս):

Երեկոն սիրո թագին է դարձել,
Օրս գոհեցի արև արքային .
Կուզեի թերևս մի նավակ վարձել,
Լողալ ու խորհել կյանքը մարդկային,
Աղոթքն ու նզովքն այդ հեթանոսի,
Դարեր չլուծվող հարցերը նրա,
Մինչ որ լուսնկան սրտիս հետ խոսի,
Հուշերս ցանե ջրերի վրա . . .
Ուշ ափ դուրս եկա,
Ազատ նավ չկա:

ՀԵՂԻՆԵ .

Թե չունեք ոչինչ
Ուղեկցելու ինձ . . . (Ձեռքերով հրավիրում է):

ՋԱՎԵՆ . — (Օգնում է Հեղինեին նստելու):

Ուրախ եմ անչափ, ո՞վ եք դուք, տիկին .
Եկվո՞ր, տեղացի՞ . . .

ՀԵՂԻՆԵ . — (Անհոգ):

Լոկ մենակ մի կին . . .

ՆԱՎԱՎԱՐ . (Որ դժկամ հետևում էր Ջավենին, նավակը հրում է ջուրը,
Հեղինեին):

Խոսքդ է խելացի . . .

ԶԱՎԵՆ . (Լսելով)

Լոկ մենակ մի կի՞ն,
Ո՛չ ա՞զգ, ո՛չ անո՞ն . . .

ՀԵՂԻՆԵ .

Միշտ միևնույնը . . . երբ միտք եմ անում,
Մնում է խղճալ, ակամա ներել

Հգոր ձեր սեռին՝
Սրտի տեղ մարմին,
Մարդու տեղ անուն
Սիրում է սիրել . . .

ԶԱՎԵՆ .

Գուցե իրավունք ունեի դատելու,
Ո՞վ չունի սխալ իր կարճ կյանքի մեջ:
Սակայն գուր է միշտ ջանքն ատելու,
Երբ որ սիրելու կարոտն է միշտ մեծ . . .

ՀԵՂԻՆԵ . (Հեզոնորեն):

Կարոտյալների բանակի՞ց եք դուք . . .

ԶԱՎԵՆ .

Պատգամով հատուկ
Որպես մարգարե
Իր ուղին բռնած համառ ուխտավոր,
Նոր հորիզոնի իմ սիրտը կհարե
Եվ տեղ հասնելու հուսով բախտավոր:
Նոր երգի, խոսքի ճշմարիտ սիրուն
Կարոտ ու պապակ,
Սուտը ճնշելու ունի մեծ փափագ:

ՆԱՎԱՎԱՐ .

Փափա՞գ ես ասում, չէ՞ որ առանց ճար
Վաղուցվա վերքը հոժար չի բուժվի,
Իսկ մարգարեն էլ լինի նա հանճար,
Երբ խոսքն է առատ, գործը կտուժի
Ու այսպես տնանկ
Դեռ շատ կմնանք . . .
(Նստում է և շարժում թիերը):

ՋԱՎԵՆ . (Արհամարհանքով)

Թիերիդ պես վարժ լեզուդ էլ վարպետ
Շարժել ես սովոր . . . (Հեղինեին):
Խոսենք, գրուցենք, սիրուն կնոջ մոտ
Քանդվում են լեզվիս կապերը բոլոր,
Հոգիս պարուրում շփոթ մի անճառ
Ու ծաղկում սրտիս ծաղիկները վառ,
Լույս կաթում վրաս:

ՆԱՎԱՎԱՐ . — (Մեղմ):

Է՛հ, չկա վնաս,

Մինչ գտնվում ես ջրերի վրա թիակներիս մոտ . . . (Գնում են, արևը կորչում է ջրերի տակ, վազում է թեթև քամի և խորշոմում ծովի երեսը):